



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE

Broj: 01-49-2-135 /19

Datum: 18.01.2019.godine

IZVJEŠTAJ

o radu Općinskog vijeća Tešanj za period 1.1. – 31.12.2018. godine

UVODNI DIO

Članom 117. Poslovnika o radu OV-a utvrđeno je sljedeće:

1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
 - a) broj donesenih odluka,
 - b) broj primljenih komentara za svaku odluku pojedinačno,
 - c) broj odluka koje su inicirali građani,
 - d) broj održanih javnih rasprava,
 - e) broj građana koji su prisustvovali javnim raspravama,
 - f) broj sprovedenih analiza ekonomske opravdanosti,
 - g) broj građana koji su prisustvovali sjednicama Vijeća i
 - h) prisustvo vijećnika sjednicama Vijeća.


Izvještaj o radu Općinskog vijeća Tešanj za period 1.1. – 31.12.2018. godine predviđen je u prvom kvartalu Programa rada za 2019. godinu.

IZVJEŠTAJNI DIO

a. Općinsko vijeće je donijelo 63 odluke, 3 rješenja i 85 zaključaka.

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bili

- prijedlozi odluka (63),
- informacije (26),
- izvještaji (14),
- nacrti (9) i
- prijedlozi rješenja (3).



Općinski vijećnici su u svom radu podnijeli ukupno 108 akata i to:


- 47 vijećničkih pitanja,
- 32 inicijative i
- 29 amandmana,

na koje je odgovoreno, uglavnom do naredne sjednice Vijeća.



U izvještajnom periodu Općinsko vijeće je nakon provedenih rasprava usvojilo ukupno 151 akt i to

- 63 odluke,
- 3 rješenja i
- 85 zaključaka.



b. Komentara na odluke koje je Vijeće donijelo – nije bilo.

c. Općinsko vijeće je donijelo 38 akata koja su inicirali građani.

d. Održano je 7 javnih rasprava.

e. Javnim raspravama je prisustvovao 81 građanin.

f. Sjednicama Vijeća pored redovnih gostiju prisustvovao 31 građanin.

g. Nije bilo odluka koje su zahtjevale posebnu ekonomsku opravdanost.

h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 23 vijećnika, ili 92 %.

Na ukupno 10 održanih sjednica Vijeća u periodu od 1.1.do 31.12. 2018. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

1.	Omić Mirsad	6 sjednica Vijeća
2.	Jupić Mirano	5 sjednica Vijeća
3.	Deljković Nermin	2 sjednica Vijeća
4.	Pilav Elvir	1 sjednica Vijeća
5.	Mahmutović Edin	1 sjednica Vijeća
6.	Kotorić Esmir	1 sjednica Vijeća
7.	Hrvić Vahdet	1 sjednice Vijeća
8.	Hodžić Sadina	1 sjednica Vijeća
9.	Hasanbašić Senad	1 sjednica Vijeća
10.	Klepić Šemsudin	1 sjednica Vijeća
11.	Alić Munevera	1 sjednica Vijeća
12.	Turkeš Kenan	1 sjednica Vijeća
13.	Jašić Haris	1 sjednica Vijeća

SJEDNICE VIJEĆA

Općinsko vijeće Tešanj je u periodu 1.1. – 31.12.2018. godine radilo u redovnim javnim zasjedanjima. Održano je ukupno 10 sjednica, od kojih su 2 bile tematske. Sjednice Vijeća u izvještajnom periodu trajale su u prosjeku oko 4 sata.

Na dnevnom redu sjednica Vijeća bilo je 109 tačaka, od čega su 48 ili 44 % bile predviđene Programom rada Vijeća za 2018. godinu. Ostalih tačaka 61 ili 56 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 11 tačaka dnevnog reda po jednoj sjednici. Većina Odluka, izvještaja i informacija koje su planirane Programom rada Vijeća za 2018. godinu su realizovane.

Osnovne tematske odluke predviđene Programom rada koje je Vijeće u izvještajnom periodu donijelo

- Odluka o usvajanju planova potencijalnih projekata javno-privatnog partnerstva
- Odluka o pristupanju izradi Zoning plana "Poslovna zona Ljetinić" Tešanj
- Odluka o visini prosječne konačne građevinske cijene na području općine Tešanj za 2017. godinu
- Odluka o usvajanju Plana kapitalnih investicija za budžetsku 2018.godinu (sa planom kandidovanih investicija za 2019 i 2020) 1+2
- Odluka o usvajanju Programa novčanih podsticaja za unaprjeđenje poljoprivredne proizvodnje na području općina Tešanj u 2018. godini
- Odluka o provođenju izmjene i dopune urbanističkog projekta „Tešanj-Centar“ Tešanj
- Odluka o izmjeni i dopuni Odluke o usvajanju i provođenju Zoning plana „Poslovna zona Glinište“ Tešanj
- Odluka o utvrđivanju javnog interesa za izgradnju sportske dvorane Jelah
- Odluka o zonama sanitarne zaštite i zaštitnim mjerama za izvorište Kraševo, općina Tešanj
- Odluka o zaštitnim zonama i zaštitnim mjerama za izvorišta na lokalitetu "Cerik" Karadaglije
- Odluka o stipendiranju redovnih studenata dodiplomskog studija (prvog ciklusa) u akademskoj 2018/2019. God.
- Odluka o pristupanju izradi Prostornog plana općine Tešanj za period 2020-2040
- Budžet Općine Tešanj za 2019. godinu
- Odluka o izvršavanju Budžeta za 2019. godinu
- Odluka o usvajanju Programa gospodarenja poljoprivrednim zemljištem

Osnovne tematske odluke koje nisu bile predviđene Programom rada za 2018.godinu (nastale kao posljedica zahtjeva građana, poslovnog svijeta i drugih subjekata pred administracijom), koje je Vijeće u izvještajnom periodu donijelo:

- Odluka o prodaji parcele oznake k.p. br. 1897/3 za k.o. Trepče
- Odluka o davanju saglasnosti za dodjelu koncesije
- Odluka o gubitku statusa Javnog dobra-put u Miljanovcima
- Odluka o prodaji nekretnine radi oblikovanja parcele u Miljanovcima.
- Odluka o gubitku statusa Javnog dobra-puta zv."Gobelja"
- Odluka neposrednom pogodbom zv"Gobelja"
- Odluka o gubitku statusa Javnog dobra-put zv.Ošljak
- Odluka o prodaji zemljišta neposrednom pogodbom zv. "Ošljak"
- Odluka o izmjenama i dopunama Odluke o organizaciji i sigurnosti saobraćaja na cestama
- Odluka o gubitku statusa Javnog dobra-put upisanog u k.o. Trepče
- Odluka o prodaji nekretnine radi oblikovanja parcele u Trepču
- Odluka o davanju saglasnosti za zamjenu nekretnina u Ljetiniću
- Odluka o davanju saglasnosti za prenos prava na nekretnini u Jelahu
- Odluka o odobravanju raspisivanja Javnog konkursa za parcelu broj: 527/3 u Zoning Planu „Glinište“
- Odluka o odobravanju raspisivanja Javnog konkursa za parcelu broj: 5/12 u Poslovnoj zoni Bukva
- Izmjena i dopuna Budžeta Općine Tešanj za 2018. godinu
- Odluka o raspisivanju Javnog konkursa za parcele broj 1616/10 u Medakovu
- Odluka o davanju saglasnosti za dodjelu koncesije
- Odluka o izmjenama i dopunama Odluke o javnom redu i miru
- Odluka o realizaciji projekta vodosnabdijevanja „Vodovod Raduša i Jugozapad Tešanj“ Raduša
- Odluka o odobravanju prodaje i raspisivanje Javnog konkursa za k.p.br.867/10 i k.p.br.863/1 k.o Rosulje
- Odluka o ukidanju statusa Javnog dobra-put označenog kao k.p.br.: 1521/3, 1521/4 i 1521/5 k.o. Piljužići
- Odluka o prodaji zemljišta označenog kao k.č.broj: 1521/3 k.o. Piljužići neposrednom pogodbom
- Odluka o prodaji zemljišta označenog kao k.č.broj: 1521/4 k.o. Piljužići neposrednom pogodbom
- Odluka o prodaji zemljišta označenog kao k.č.broj:1521/5 k.o. Piljužići neposrednom pogodbom.
- Odluka o zonama sanitarne zaštite i zaštitnim mjerama izvorišta „Princes“ u Oraš Planjama
- Odluka o prodaji zemljišta označenog kao k.p.broj: 5/33 k.o. Novo Selo neposrednom pogodbom
- Odluka o gubitku statusa Javnog dobra-put k.p. broj:84/3 k.o. Tešanj I
- Odluka o prodaji zemljišta označenog kao k.p. broj:84/3 k.o. Tešanj I, radi oblikovanja parcele
- Odluka o gubitku statusa Javnog dobra-put k.p. broj:84/1 k.o. Tešanj I
- Odluka o prodaji zemljišta označenog kao k.p. broj:84/1 k.o. Tešanj I, radi oblikovanja parcele
- Odluka o raspuštanju organa MZ Bobare, Drinčići, Blaževci i imenovanju povjerenika
- Odluka o gubitku statusa Javnog dobra-put označenog kao k.č. broj:1117/3 k.o. Novo Selo
- Odluka o prodaji zemljišta označenog kao k.č. br:1117/3 k.o. Novo Selo radi oblikovanja parcele
- Odluka o gubitku statusa Javnog dobra-put k.p. broj: 1222/2 k.o. Jevadžije
- Odluka o prodaji zemljišta u Cerovcu radi oblikovanja parcele, k.p. broj: 1222/2 k.o. Jevadžije
- Odluka o gubitku statusa Javnog dobra-put k.p. broj: 1222/3 k.o. Jevadžije
- Odluka o prodaji zemljišta u Cerovcu radi oblikovanja parcele, k.p. broj: 1222/3 k.o. Jevadžije
- Odluka o zonama sanitarne zaštite i zaštitnim mjerama za izvorište "Bunar PEB - 1"
- Odluka o davanju saglasnosti na Metodologiju za formiranje cijena vodnih usluga i Metodologija
- Odluka o davanju saglasnosti za dodjelu koncesije
- Odluka o izmjenama i dopunama Odluke o organizaciji i sigurnosti saobraćaja na cestama
- Odluka o raspisivanju javnog poziva za zakup poljoprivrednog zemljišta u vlasništvu države na području općine Tešanj

U izvještajnom periodu usvojeni akti koji definišu rad Vijeća i radnih tijela Vijeća su:

- Odluka o izmjenama i dopunama Poslovnika o radu Općinskog vijeća Tešanj,
- Odluka o uspostavljanju "Građanskog sata sa vijećnicima"
- Odluka o utvrđivanju uslova i kriterija za izbor i imenovanje članova radnih tijela Općinskog vijeća
- Odluka o izmjenama i dopunama Kodeksa ponašanja vijećnika u Općinskom vijeću Tešanj i
- Program rada Općinskog vijeća Tešanj za 2019.godinu.

Aktivnosti Općinskog vijeća zasnivale su se na zadacima utvrđenim Programom rada Vijeća za 2018. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

U izvještajnom periodu Centralna izborna komisija BiH Općinskom vijeću dostavila Odluku o prestanku mandata vijećniku Kaser Vedranu i dodjeli manata za vijećnika Galijašević Hasanu. Novi vijećnik je prisustvovao 24.sjednici Općinskog vijeća na kojoj je dao i potpisao svečanu izjavu.

Materijali su u izvještajnom periodu uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća.

Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Sjednicama Vijeća su u svojstvu gosta redovno pozivani: poslanici u državnom parlamentu i kantonalnoj skupštini s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

EDUKACIJA VIJEĆNIKA

Shodno izmjenama i dopunama Poslovnika o radu Općinskog vijeća, Kolegij je usaglasio stavove i donio Plan educiranja vijećnika u 2018.godini, kako je i predviđeno Programom rada za 2018.godinu (član IV).

U izvještajnom periodu od 01.01. do 31.12.2018.godine realizovano je 7 edukacionih radionica za vijećnike, komisije i odjel Stručne službe:

- Uloga organizacije civilnog društva i transparentna dodjela sredstava iz općinskih budžeta – predavač je bila G-đa Uma Isić (Savez općina i gradova).
- Građansko učešće u procesima donošenja odluka i poboljšanja usluga u svim partnerskim jedinicama lokalne samouprave (JLS) u skladu sa indikatorima i skalom za procjenu učinka koju je razvio Projekat opštinskog okolišnog i ekonomskog upravljanja (MEG) - Marko Martić, konsultant odžao je dvije radionice.
- Organizacija obavljanje vodnih usluga na nivou jedinica lokalne samouprave - Sandi Zulić i Nejra Beganović Una Consulting d.o.o. Bihać.
- Uključenje građana i organizacija civilnog društva u donošenju odluka na lokalnom nivou - obuka u okviru projekta ReLOaD Regionalni program lokalne demokratije na Zapadnom Balkanu – Edin Demirović.
- Jačanje kapaciteta i učinkovitosti Općinskog vijeća, rad radnih tijela OV, Etički kodeks, profesionalno usavršavanje vijećnika - Snežana Dačić, konsultantica, dvije radionice.

Prisutnost vijećnika ovim edukacionim radionicama je bila zadovoljavajuća, s obzirom da su termini održavanja bili radnim danima i većina vijećnika je bila spriječena prisustvovati zbog nekih ranije planiranih obaveza.

GRAĐANSKI SAT SA VIJEĆNICIMA I UČEŠĆE GRAĐANA U DONOŠENJU ODLUKA

U proteklom period evidentirano je 15 sastanaka na Građanskom satu sa vijećnicima.

Gradani su se obraćali po pitanju rješavanja imovinsko pravnih odnosa, kupovina zemljišta, ispravka upisa parcele, promjena naziva ulica, finansijska pomoć za troškove i sl. Zahtjevi građana su upućivani u procedure rješavanja kod nadležnih službi ili im je odmah na sastanku dato pojašnjenje i prijedlog za rješavanje.

Na zahtjev grupe građana, odnosno Inicijativnog odbora demobilisanih veterana OG 7 Jug, a po zahtjevu vijećnika Općinskog vijeća (SDP, SBiH, A SDA, SBB SH) 13.04.2018.godine održana tematska sjednica.

Na sjednici je usvojeno 5 zaključaka.

Općinsko vijeće je kroz održane sjednice u izvještajnom periodu usvojilo 38. Odluka koje su inicirali građani (10 odluka više u odnosu na 2017.godinu).

Na 7 održanih javnih rasprava prisustvovao je 81 građanin.

Zadovoljstvo korisnika uslugama Općine Tešanj 2018. Anketa provedena 24.12.2018. godine

U istraživanju je korišten slučajni uzorak u periodu od 3.12. do 14.12.2018. godine.

Anketari - 2 volontera Općine. Uzorak - 250 ispitanika (190 u Tešnju, po 30 u Jelahu i Tešanjci).

Ispitanici su anketna pitanja ocjenjivali ocjenama od 1 do 5 a na određena pitanja su odgovarali sa DA ili NE. Odgovori su prikazani u procentima, radi lakšeg poređenja rezultata.

Prosječna ocjena izračunavana u odnosu na idealnu ocjenu 5, a kod odgovora DA ili NE izračunavan je procenat odgovora DA u odnosu na ukupan broj ispitanika.

Da li ste zadovoljni sa prijenosom sjednica Općinskog vijeća putem lokalnih TV stanica?

Da li vam je poznato da su materijali OV dostupni javnosti na internet stranici Općine?


Da li smatrate da Općinsko vijeće donosi odluke u interesu građana?

Kako ocjenjujete rad Općinskog vijeća i vijećnika?

Jeste li upoznati sa terminom za redovne sastanke vijećnika sa građanima?


Da li vam je poznato ko su vijećnici u Općinskom vijeću?

■ 2018 ■ 2017



Koji segment rada OV treba unaprijediti: transparentnost, kvalitet donesenih odluka, komunikaciju sa građanima ili drugo?

- korisnici odgovarali zaokruživanjem 1 ili više ponuđenih odgovora



Nakon provedene analize za rad Općinskog vijeća utvrđeno je da je:

- Povećan procenat korisnika koji znaju za građanski sat i koji su upoznati ko su vijećnici .
- Smanjeno zadovoljstvo u odnosu na transparentnost i kvalitet donesenih odluka.

Realizacija zaključaka u 2018.godini:

- a. U Biltenu Općine su objavljene fotografije sa podacima vijećnika.
- b. Izvršena je dodatna promocija Građanskog sata sa vijećnicima kroz objavu na web stranici općine, u Biltenu i putem mjesnih zajednica. Na početnoj općinskoj Web stranici postavljena je Odluka o uspostavljanju Građanskog sata sa vijećnicima, obrazac za prijavu, obavijest o terminima.
- c. U okviru MEG projekta pružena je podrška u dizajniranju i štampaju plakata kako bi se dodatno promovisao ovaj mehanizam građanskog učešća (50 kopija) koji treba da informiše i podstakne građane da koriste ovaj uspostavljeni kanal. Plakati postavljeni u zgradi Općine, mjesnim uredima Jelah i Tešanjka, oglasnim pločama Jelah – Tešanj - Tešanjka i oglasnim pločama svih 25 mjesnih zajednica.
- d. Na web stranici Općine se objavljuju informacije o radu radnih tijela Općinskog vijeća.

Rad Općinskog vijeća i vijećnika u 2018.godini - 58% (2017 – 56.9%).

Prijedlog mjera poboljšanja za rad Općinskog vijeća i vijećnika:

1. Povećati komunikaciju sa građanima, udruženjima, privrednicima - prezentovati rezultate rada Općinskog vijeća i radnih tijela Općinskog vijeća.
2. Raditi na uključivanju većeg broja građana u rad Općinskog vijeća i proceduru donošenja odluka.

JAVNOST RADA

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 21,00 sati i nedjelja u 14,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljivani u "Službenom glasniku Općine Tešanj", koji su građanima dostupni i na web stranici Općine Tešanj.

RADNA TIJELA VIJEĆA

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela koja broje tri ili pet lica. Komisije, kao stalna radna tijela Vijeća, su u prethodnom periodu razmatrale određenu problematiku i donosile određene zaključke. U izvještajnom periodu održana su 23 sastanka stalnih radnih tijela, s tim da Komisija za zaštitu čovjekove okoline nije održala ni jedan sastanak.

U izvještajnom periodu održana su 23 radna sastanka stalnih radnih tijela.

R.br.	RADNA TIJELA	Broj sastanaka od 1.1.-31.12.2018.
1.	Komisija za ravnopravnost polova	6 sastanaka
2.	Komisija za izbor i imenovanje	5 sastanaka
3.	Komisija za predstavke i prijedloge	2 sastanka
4.	Komisija za Budžet	2 sastanka
5.	Komisija za pitanja mladih	2 sastanka
6.	Komisija za primjenu Kodeksa ponašanja vijećnika	2 sastanak
7.	Komisija za monitoring nad realizacijom Strategije razvoja općine Tešanj	1 sastanak
8.	Zakonodavno-pravna komisija	1 sastanak
09.	Mandatno – imunitetska komisija	1 sastanak
10.	Statutarno-pravna komisija	1 sastanak
11.	Komisija za zaštitu čovjekove sredine	Nije imala ni jedan sastanak

Komisija za ravnopravnost polova je u izvještajnom periodu imala najviše provedenih aktivnosti.

U saradnji sa Fondacijom „Cure“ održana je radionica „Ženski aktivizam i društvene promjene u malim lokalnim zajednicama“,

Učestvovala su na edukaciji koja je održana u Sarajevu koju je organizovao UNDP u sklopu MEG projekta „Integracija principa ravnopravnosti spolova na nivou jedinice lokalne samouprave i unapređenje rada općinskih komisija za ravnopravnost polova“, a učestvovala su i na drugim edukacijama u sklopu MEG projekta u okviru radnog tima za Građansko učešće u procesima donošenja odluka i poboljšanja usluga.

U vezi s tim a radi objedinjavanje podataka o politikama koje se odnose na unapređenje položaja žena i ravnopravnost polova i vođenja evidencije o učešću u donošenju odluka, od svih javnih ustanova i preduzeća čiji je osnivač općina Tešanj prikupljeni su podaci o uposlenima razvrstane po spolu, kako bi nakon toga mogla pristupiti izradi izvještaja o poštovanju Zakona o ravnopravnosti polova.

Tabelarni prikaz

NAZIV JP/JU	Ukupan br.zaposlenih		Direktor		Uprava i računovodstvo		Pomoćni radnici (vozači, čistači ..)		ostala radna mjesta		Upravni/ nadzorni odbor	
	M	Ž	M	Ž	M	Ž	M	Ž	M	Ž	M	Ž
JU Biblioteka Tešanj	1	6	0	1	0	0	1	0	0	5	0	3
JU Muzej Tešanj	4	1	1	0	0	0	0	0	2	1	2	1
JU Dom zdravlja Tešanj	44	133	1	0	3	20	9	14	32	107	2	1
JU Centar za soc.rad	2	9	0	1	0	2	0	1	2	0	2	1
JU Tefarm Tešanj	2	14	0	1	0	3	0	2	2	8	2	1
JU Bolnica Tešanj	83	156	1	0	13	11	16	31	53	114	3	0
JU SRC Tešanj	4	1	1	0	0	0	3	1	0	0	2	1
JU CKO Tešanj	2	4	1	0	0	2	1	2	0	0	1	2
JP Rad Tešanj	87	8	1	0	11	3	0	1	75	4	3	0
JP Toplana Tešanj	5	17	1	0	2	3	3	1	10	2	2	1
JP TRA Tešanj	4	1	1	0	0	0	0	0	2	1	3	0
UKUPNO:	238	350	8	3	29	44	33	53	178	242	22	11

Analizom podataka utvrđeno je da je u JU i JP od ukupno 588 zaposlenih oko 20% više ženskog spola, više ženskog spola je i u upravi/računovodstvu (20%), pomoćni radnici (24%), ostala radna mjesta (16% više ž spola), a samo na direktorskoj poziciji i u upravnim/nadzornim odborima manje je ženskog spola iz čega se može zaključiti da je stanje po pitanju zastupljenosti ženskog spola u javnim ustanovama i javnim preduzećima čiji je osnivač Općina Tešanj, prilično dobra, što ne znači da ne treba nastojati povećati zastupljenost žena na rukovodećim mjestima direktora, predsjednika i članova upravnih i nadzornih odbora.

Tabelarni prikaz

Pozicija/radno mjesto	Ukupno zaposlenih	M	Ž	Razlika Manji broj M	Razlika Manji broj Ž
Ukupno zaposleni	588	238 (40%)	350 (60%)	112 (20%)	
Uprava računovodstvo	73	29 (40%)	44 (60%)	15 (20%)	
Pomoćni radnici	86	33 (38%)	53 (62%)	20 (24%)	
Ostala radna mjesta	420	178 (42%)	242 (58%)	64 (16%)	
Direktor	11	8 (73%)	3 (27%)		5 (46%)
Upravni/nadzorni odbor	33	22 (67%)	11 (33%)		11 (33%)

Komisija za predstavke i prijedloge je u izvještajnom periodu razmatrala jednu predstavku, te nakon provedene procedure, provjere i preispitivanja Općinskom vijeću dostavila svoj Stav.

Statutarno-pravna komisija je u izvještajnom periodu Vijeću podnijela prijedlog Odluka o izmjenama i dopunama Poslovnika o radu Općinskog vijeća Tešanj i Prijedlog Odluke o izmjenama i dopunama Kodeksa ponašanja vijećnika u Općinskom vijeću Tešanj koji je usvojen. Aktivno učestvovala u edukacionim radionicama (Jačanje kapaciteta i učinkovitosti Općinskog vijeća, rad radnih tijela OV, Etički kodeks, profesionalno usavršavanje vijećnika).

Zakonodavno pravna komisija je uradila prečišćeni tekst Odluke o komunalnom redu i sanitarnom minimumu i prečišćeni tekst Poslovnika o radu Općinskog vijeća Tešanj. Podnijela je i dvije inicijative na Odluku o komunalnom redu i sanitarnom minimumu.

Komisija za pitanja mladih je podnijela dvije inicijative. Jedna je u vezi učenika o osnovnih i srednjih škola o uvođenju kartica povlastica, i druga u vezi organizovanja Dana mladih općine Tešanj jednom godišnje u trajanju od 2- 3 dana, koja se na obradi kod nadležne općinske službe. Članovi Komisije su bili aktivni i učestvovali su u edukacionim radionicama (Uključenje građana i organizacija civilnog društva u donošenju odluka na lokalnom nivou - obuka u okviru projekta ReLOaD Regionalni program lokalne demokratije na Zapadnom Balkanu, Jačanje kapaciteta i učinkovitosti Općinskog vijeća, rad radnih tijela OV, Etički kodeks, profesionalno usavršavanje vijećnika).

Komisija za primjenu Kodeksa ponašanja vijećnika u Općinskom vijeću Tešanj je u izvještajnom periodu razmatrala prijavu za kršenje Kodeksa protiv jednog vijećnika. Vijeću je podnesen Izvještaj o radu koji je usvojen sa predloženim zaključkom da se vijećniku koji je prekršio član 12. stav 2. Kodeksa ponašanja vijećnika izreče mjera/ kazna - ukor. Zaključak dostavljen podnosiocu i objavljen u „Službenom glasniku općine Tešanj“, broj:7/18.

Komisija za monitoring nad realizacijom Strategije razvoja općine Tešanj je Općinskom vijeću dostavila Mišljenje, primjedbe i sugestije na Informaciju o realizaciji Strategije razvoja općine Tešanj 2013-2018. Kao i stav da podržava Informaciju.

Komisija za Budžet je u izvještajnom periodu razmatrala Izvještaj o izvršenju Budžeta za I polugodište 2018.godine, Budžet za 2019.godinu i Odluku o izvršavanju Budžeta za 2019. godinu, i Općinskom vijeću dostavila mišljenje.

S obzirom da je na 15.sjednici usvojena Odluka o izmjenama i dopunama Poslovnika o radu Općinskog vijeća, a izmjene i dopune se odnose i na strukturu, obaveze i sastav radnih tijela, u izvještajnom periodu imenovana je nova **Komisija za izbor i imenovanje** i na njen prijedlog usvojena Odluka o utvrđivanju uslova i kriterija za izbor i imenovanje članova radnih tijela Općinskog vijeća Tešanj. Nakon provedenog javnog konkursa za izbor i imenovanje novih radnih tijela Općinskog vijeća održan je sastanak komisije na kom je izvršeno otvaranje pristiglih prijava nakon čega je utvrđeno da većina ne ispunjava uslove jer je nisu dostavljeni potrebni dokazi zbog čega je ponovljen javni poziv. Nakon provedene procedure, otvaranja pristiglih prijava i dopuna Komisija je sačinila izvještaj o radu i prijedlog Rješenja o imenovanju i dostavila Općinskom vijeću. Na 24.sjednici Općinsko vijeće je na prijedlog vijećnika Kurtić Amira donijelo Zaključak da se prijedlog Rješenja skine sa dnevnog reda radi dorade.

REALIZACIJA ZAKLJUČAKA

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća Općinski načelnik i administracija uglavnom i realizirala u predviđenom roku, a da je u toku realizacija preostalih zaključaka.

Informacija o realizaciji odluka, rješenja i zaključaka Općinskog vijeća poslije svake održane sjednice se redovno dostavlja vijećnicima i objavljuje na web stranici Općine uz materijale za novu sjednicu.

ZAKLJUČCI

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 31.12.2018. godine uspješno realizovalo svoju ulogu.
- b. Većina odluka je usvojena jednoglasno.
- c. Aktivnost Vijeća se ogleda i kroz podnesenih 108 akata (amandmani, vijećnička pitanja i inicijative) i usvojenih 105 akata koji su upućeni Općinskom načelniku i administraciji na realizaciju, od kojih je većina realizovana. Informacija o realizaciji odluka, rješenja i zaključaka Općinskog vijeća je redovno dostavljana u i objavlјivana na web stranici Općine u materijalima za svaku sjednicu.
- d. U narednom periodu provoditi mjere poboljšanja u radu Općinskog vijeća i vijećnika:
 - Povećati komunikaciju sa građanima, udruženjima, privrednicima - prezentovati rezultate rada Općinskog vijeća i radnih tijela Općinskog vijeća.
 - Raditi na uključivanju većeg broja građana u rad Općinskog vijeća i proceduru donošenja odluka.
- e. U cilju transparentnosti rada ovaj Izvještaj će biti objavlјen na zvaničnoj web stranici Općine Tešanj i jednim dijelom u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.



PREDSJEDAVAJUĆI VIJEĆA

Senad Subašić, dipl.oec.